



Plata dla Ploania Antermëia Sant'Antone Abat

UNITÉ PASTORALA



VAL BADIA

Ploan: siur Paul Campej

Calonia: 0474/520012

E-mail: campei.paul@rolmail.net

Siur Paul: 380 7345533

www.unitepastorala.org

Ann C 05.05.2019 - 12.05.2019 - Terza domënia de Pasca

n. 23

La verité dla Pasca nes dá coraje

📖 St.Ap 5, 27b–32.40b–41 | Rev 5, 11–14 | Jan 21, 1–19

Dal Vangele do San Jan:

... ¹³Gejù é gnü pomez, à tut le pan y ti al à dè y insciö inçe le pësc. ¹⁴Chësc ê bele le terzo iade, che Gejù s'â manifestè ai discepui, do ch'al ê ressori dai morc. (¹⁵Do ch'ai â albü mangé, à Gejù dit a Scimun Pire: Scimun, fi de Jan, m'oste plü bun co chisc? Al ti à respognü: Scê, Signur, tö sas ch'i t'ô bun. Gejù ti à dit: Verda mi agnì! ¹⁶Al l'â damanè por le secundo iade: Scimun, fi de Jan, m'oste bun? Al ti à respognü: Scê, Signur, tö sas ch'i t'ô bun. Gejù ti à dit: Verda mies bisces! ¹⁷Al l'â damanè por le terzo iade: Scimun, fi de Jan, m'oste bun? Dailò à Pire ciafè la ria, ciodiche Gejù l'â damanè por le terzo iade: M'oste bun? Al ti à dè resposta: Signur, tö sas döt: tö sas ch'i t'ô bun. Gejù ti à dit: Verda mies bisces! ¹⁸Amen, amen, chël te diji: Canche t'ês ciamò jonn, te ciolâste instës le quant y te podôs jì olache t'orôs. Mo canche te saras vedl, aspanaraste fora i brac, y n ater te ciolarà y te menarà olache te n'ôs nia. ¹⁹Chësc à Gejù dit, por indiché cun ci mort ch'al dô glorifichè Idî. Do chëstes parores ti à dit: Vî do a mé!





*Cighede dan da Idî, jënt de
döta la tera! Sonede a
renomanza de so inom!
Glorifichédele cun inns de
gloria! Alleluia.*

📖 Letöres dla Cuarta domënia de Pasca:

St.Ap 13, 14.43b–52 | Rev 7, 9.14b–17 | Jan 10, 27–30

Edema liturgica dai 05.05. ai 12.05.2019

2019	Ora	Mëssa
3^a DOMENIA 05.05 DE PASCA <i>Domenia de s. Ciascian</i> <i>1^a Comuniun a Rina</i>	8.00! 8.30!	<i>Corona de ma</i> Gran Messa por la comunité fam. Pepi Dejaco, Mair + Rudi Kircher
		
LÖNESC 06.05	7.25	s. Messa + Sigfried Penazzi
MERTESC 07.05	17.00	<i>Corona de ma</i>
MERCUI 08.05	7.25	s. Messa di scolari + Heinrich Rubatscher + Maria Unterweger
JÖBIA 09.05	17.00	<i>Corona de ma</i>
VENDRES 10.05	7.25	s. Messa + Franz Irsara
SABEDA 11.05	<u>18.30!</u>	s. Messa prefestia aniversar + Hermann Winkler
4^a DOMENIA 12.05 DE PASCA <i>dé mondial de oraziun</i> <i>por vocaziuns</i>	9.30 10.00	<i>I stödafüch venerëia so patronn s. Florian</i> <i>Corona por vocaziuns</i> Gran Messa a onur de s. Florian comunité por les animes ++ Sepl y Regina Deiacó <i>prozesciun y benedisciun di auti</i>
		



Informaziuns y terminns

La **Uniun di Èi Val Badia** inviëia düc i èi y i jogn ala **prozesciun** cun linternes o ciandëres da se tó do en lönesc, 13 de ma, dales 21.00, **da Porsenú (plaza dai auti Aquarena) a Neustift** (ca. n'ora); dailó vëgnel stlüt jö la prozesciun cun na mëssa da festa. Al passa dales 19.20 n bus ia dala Burcia da San Martin. I interessá é peria da s'anunzié pro le surastant dl paisc o pro Salvester Vittur (333 7247516) cina en vëndres, ai 10 de ma.

La **Uniun di Seniores da San Martin y Antermëia** adöm ala Uniun di Seniores da Longiarü organisëia na **jita a Völs am Schlern** en jöbia ai 16 de ma 2019. I fajarun na vijita ala Caroma, olach al vëgn apraté café, jun a marëna sön la Tuffalm cun musiga (30 min. a pé, al é ince n shuttle por chi che n'es debojëgn). I piun ia da Longiarü dales 7.15, da San Martin dales 7.30. Cost: 20,00 Euro - vignun se paia la marëna. Prëibel anunziesse anter i 14 de ma pro Anneliese Schanung 346 358 7173 o Alfred da Ju 333 365 4786. Gnide tröc!

Comun - La cooperativa Casa Bimbo chir valgügn por le trasport dles marënes dla Ciasa di Pici a San Martin (da Badia a San Martin) dal 17.06.2019 al 30.08.2019. Por informaziuns preibel cherdede sö la coordinadëssa Thaler Gigliola al nr. cell. 3442757478

La **SEA soc. coop.** lascia al savëi che ara tol jö lëgna por l'implant de telescialdamënt a Antermëia; ai sozi dla SEA ti vëgnel paié n prisc de euro 45,00 al meter, ai nia sozi 42,00 euro al meter. Informaziuns plü avisa è da ciafé tl ofize dla SEA o pro le presidënt dla ex-Termoantermëia signur Erlacher David.

L'aministrazion dla **Ciasa de Palsa Ojöp Frëinademetz** forma na graduatoria por ejams por les suandëntes inciaries a tëmp determiné: **Personal a puzenè qualifiché/inserviënt** (2^a cualifica funzionala). Condiziuns d'azés: lizënza de scora elementara o contlujiun dla scora d'oblianza y zertificat de trilinguism D/A2. Al pò to pert aspiranc'/antes dl grup linguistich ladin. La graduatoria formada arà la dörada de 1 ann. I/les aspiranc'/antes messarà indiché plü avisa tla domanda de ester diponibli/es por inciaries a tëmp determiné (de cörta durada) a tëmp plëgn y/o parzial 76,32 %. Les domandes sön le formular arjigné ca aposta (da descarié dla plata internet www.ciasadepalsa.it) o sön cherta scëmpla cun i documënc revardënc, messarà gni presentades te scretariat dla Ciasa de Palsa anter les 12.00 di 31.05.2019. D'atres informaziuns é da ciafè te scretariat sot al nr. de telefonn 0474/524700.

Sorvisc ai Jogn - Jogn dai 13 ai 19 agn po to pert al proiet **JABA**. Jogn interessá a ciaré it tl monn dl laur po se scri it al proiet JABA dai 7. de mà inant te Sorvisc ai Jogn a Picolin o te SaJ.un a La Ila. Ai po ji a lauré te deplü isitituziuns dades dant y ciafa sciöche paiament bons che ai po baraté it te botheges o ristoranc.

L'**apoteca Pütia** a Picolin é stlüta dai 05 ai 12 de ma.

La **Uniun Patrones da San Martin** inviëia en dedemesaledema, 8 de ma, dales 20.00, tl salff di stödafüch da San Martin a n **referat cun le Biogärtner Alex**. Huber sura n urt sann y bel. Dedô baratada de ciüf, pelzes y somënzes.




„M’oste bun ?“ – nia ma na domanda dan da feter 2000 agn a Pire, mo ince a me. I oress respogne sciöche Pire: Scê, Signur, tō sas ch’i t’ô bun. Y i mēi lapró: „Dēideme Signur, che i ne dubitēies mai sōn to amur“.

Trēi iadi á Gejú damané Pire sc’al ti orô bun, y vigni iade n pü’ atramēnter. Sciöche por s’assicuré sce Pire ti orô bëgn bun do ch’al s’n’â desdit trēi iadi...

Domandes, che vá dër sot, da chères ch’an se sperd feter, mo che lascia indô te nos na gran impresciun: domandes che vëgn dal dejier de Chël Bel Dî do nosc amur.

(Christine Rod MC)



Mësses a Rina:	Dom 9.45 Dedol 19.30 Jöb 7.25 Sab 19.30 Dom 8.30
Mësses a San Martin:	Dom 9.30 Jöb 7.30 Sab 18.30 Dom 9.30

	06.05 - 11.05.2019	Denise - Maximilian
	12.05.2019	Nadine - Lisa - Stefan - Dominik
	11.05.2019	Verena Winkler
	12.05.2019	Angela Prada

Impressum:
Comunicaziuns:
Download:

Ploania Antermëia - redaziun Carlo Piazza
 cina la jöbia sëra a carlo.piazza@hotmail.com | 0474 520044
www.unitepastorala.org | www.comun.sanmartindetor.bz.it